

**BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Z E N I C A**

Broj: T04 0 KT 0059920 24
Zenica, 06.02.2025. godine

**OPĆINSKI SUD U ZENICI
ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

OPTUŽNICU

Protiv:

M. Š., osuđivan,

što je:

Dana 02.08.2024. godine, oko 12,45 sati, na području grada Z., naročito drskim i bezobzirnim ponašanjem i nasiljem ugrozio građanski mir oštećenog B. Z., na način da je u ulici M. S., došao ispred zgrade gdje je oštećeni iz svog parkirano pmv vozila marke Citroen DS 5, vadio stvari iz prtljažnika u prisustvu njegovog oca B.H. i bez ikakvog povoda prišao oštećenom sa leđa, uhvatio ga za glavu-čelo lijevom rukom, dok je u desnoj ruci držao nož, te oštricu noža prislonio na vratne žile B. Z., govoreći pri tome: „Sad ćeš vidjeti kako se kolje!“, a kada su to vidjeli B. H. i sin od osumnjičenog mlđb., istima se obratio riječima: „Nemoj prilaziti H., zaklat ću ga!“, nakon čega mu je njegov mlđb. sin se obratio riječima: „Babo šta to radiš, stani, nemoj!“, a zatim je odgurnuo od sebe oštećenog B. Z. i počeo se udaljavati u pravcu zgrade, gdje je nastanjen, govoreći oštećenom: „Doći ću večeras da nastavimo razgovor!“, svjestan da takvo njegovo ponašanje će izazvati uznemirenje i narušiti građanski mir kod oštećenog i drugih, a što je i htio, kojom prilikom je oštećeni B. Z. zadobio lake tjelesne ozljede u vidu oguljotina sa prednje strane vrata,

dakle, nasiljem i naročito drskim i bezobzirnim ponašanjem prema drugom ugrozio građanski mir,

čime je počinio krivično djelo nasilničko ponašanje iz člana 362. stav 2. KZ F BiH.